



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

22.10.2021թ.

**Ո Ր Ո Շ ՈՒ Մ**  
**ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ**  
**ՔՆՆՈՂ ԱՆՁԻ**  
**թիվ ԳԲՔԱ-ԼՕ-2021/88**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Ռ. Մկրտչյանի

Պատվիրատու՝ ՀՀ պաշտպանության նախարարություն  
Բողոք բերող՝ «Դավիթ Թումանյան Գազիկի» Ա/Ձ

Մասնակցությամբ՝  
«Դավիթ Թումանյան Գազիկի» Ա/Ձ-ի ներկայացուցիչներ՝ Ա. Պարանյանի, Մ.  
Խաչատրյանի

Գնման ընթացակարգի ծածկագիրը և առարկան՝  
«ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգ,  
բժշկական սարքի ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ  
քննող անձ), քննության առնելով «Դավիթ Թումանյան Գազիկի» Ա/Ձ-ի (այսուհետ նաև՝  
Ընկերություն) կողմից 27.09.2021թ.-ին ներկայացրած բողոքը (այսուհետ նաև՝ Բողոք) և կից  
փաստաթղթերը,

**Պ Ա Ր Զ Ե Ց**

**1. Գործի նախապատմությունը.**

Դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է պարտավորեցնել «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգի գնահատող հանձնաժողովին դադարեցնել՝ «Դավիթ Թումանյան Գազիկի» Ա/Ձ-ի հայտը անբավարար գնահատելու և մերժելու մասին որոշումը:

Բողոքներ քննող անձին բողոքը մակագրվել է 27.09.2021թ.-ին:

Բողոքներ քննող անձի կողմից 27.09.2021թ.-ին [www.gnumner.am](http://www.gnumner.am) կայքում հրապարակված հայտարարությամբ ներկայացված բողոքը ընդունվել է վարույթ և տրվել թիվ ԳԲԲԱ-ԼՕ-2021/88 համարի ծածկագիրը:

06.10.2021թ.-ին և 22.10.2021թ.-ին նշանակվել են նիստեր:

Բողոքի քննությունն ավարտվել է 06.10.2021թ.-ին և որոշման հրապարակման օր է նշանակվել 22.10.2021թ.-ին:

**2. «Դավիթ Թումանյան Գազիկի» Ա/Ձ-ի ներկայացրած փաստերը, հիմնավորումները և պահանջը.**

«Դավիթ Թումանյան Գազիկի» Ա/Ձ-ն 27.09.2021թ.-ին ներկայացրած բողոքով հայտնել է հետևյալը.

«ՀՀ պաշտպանության նախարարության կարիքների համար բժշկական սարքի ձեռքբերման նպատակով հայտարարված «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգ /այսուհետև նաև՝ Ընթացակարգ/:

Վերը նշված ընթացակարգին մասնակցության հայտ է ներկայացրել նաև «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ն /այսուհետև նաև՝ Ա/Ձ/:

Ընթացակարգի տեխնիկական բնութագիր գնման-ժամանակացույցով նախատեսվել է հետևյալը.

Գնման առարկայի					
/h	CPV անվանումը	անվանումը	տեխնիկական բնութագիր	մակնիշը	արտադրողի անվանումը
	սեղանի վրա դրվող ցեբտրիֆուգներ	սեղանի վրա դրվող ցեբտրիֆուգ	Լաբորատոր ցենտրիֆուգ՝ ոչ պակաս քան 12 փորձանոթի համար, Միկրոպրոցեսոր, հեղուկ բյուրեղային (ՀԲ) էկրան, Կափարիչի փակումը՝ էլեկտրական կամ մեխանիկական, որը արգելափակու է		

			<p>աշխատանքի ընթացքում կափարիչի բացելու հնարավորությունը:</p> <p>Անհավասարակշռության հայտնաբերման և անջատման համակարգի առկայություն, աշխատանքի ընթացքում՝ հովացման համակարգի առկայություն,</p> <p>Ծրագրավորված և իրական արժեքների անըդհար ցուցադրում վահանակի միջոցով, Ցենտրիֆուգման արագության փրոյթը՝ ոչ պակաս քան 200-5500 պր/ր., արագության կարգավորումը՝ ոչ ավել քան 50 պր/ր. աճով Օգտագործվող փորձանոթների տեսակները առնվազն՝ 4տեսակ (15 մլ, 10 մլ, 5 մլ, 2 մլ),</p> <p>Լրակազմը պետք է պարունակի նաև անկյունային ռոտոր առնվազն 2 ներդիրներով՝ 12x15 մլ և 12x5 մլ, էլեկտրասնուցումը՝ սրանդարտ քաղաքային ցանցից 220+/-10% Վ, 50 Հգ: Քաշը՝ ոչ ավել քան 30 կգ:</p>		
--	--	--	---	--	--

Ա/Ձ-ի կողմից 15.09.2021թ. Հավելված 1.1-ով ներկայացվել է առաջարկվող ապրանքի հետևյալ ամբողջական նկարագիրը.

Գնման առարկայի			
Ձ/հ	մակնիշ	Արտադրողի անվանումը	տեխնիկական բնութագիր
1	սեղանի վրա դրվող ցեբտրիֆուգներ		<p>Լաբորատոր ցենտրիֆուգ՝ ոչ պակաս քան 12 փորձանոթի համար, Միկրոպրոցեսոր, հեղուկ բյուրեղային (ՀԲ) էկրան, Կափարիչի փակումը՝ էլեկտրական կամ մեխանիկական, որը արգելափակու է աշխատանքի ընթացքում կափարիչի բացելու հնարավորությունը: Անհավասարակշռության հայտնաբերման և անջատման համակարգի առկայություն, աշխատանքի ընթացքում՝ հովացման համակարգի առկայություն,</p> <p>Ծրագրավորված և իրական արժեքների անըդհար ցուցադրում վահանակի միջոցով, Ցենտրիֆուգման արագության փրոյթը՝ ոչ պակաս քան 200-5500 պր/ր., արագության կարգավորումը՝ ոչ ավել քան 50 պր/ր. աճով Օգտագործվող փորձանոթների տեսակները առնվազն՝ 4տեսակ (15 մլ, 10 մլ, 5 մլ, 2 մլ),</p> <p>Լրակազմը պետք է պարունակի նաև անկյունային ռոտոր առնվազն 2 ներդիրներով՝ 12x15 մլ և 12x5 մլ, էլեկտրասնուցումը՝ սրանդարտ քաղաքային ցանցից 220+/-10% Վ, 50 Հգ: Քաշը՝ ոչ ավել քան 30 կգ:</p>

Ընթացակարգի գնահատող հանձնաժողովի 17.09.2021թ. ծանուցման համաձայն՝ Ընթացակարգով «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի կողմից ներկայացված հայտում կան անհամապատասխանություններ հրավերի պահանջների նկատմամբ, մասնավորապես՝

«Սեղանի վրա դրվող ցենտրիֆուգ ապրանքատեսակի մասով Դավիթ Թումանյան Գազիկի ԱՁ-ի կողմից հայտով ներկայացված՝ գնանշման հարցմանը մասնակցելու առաջարկվող ապրանքի ամբողջական նկարագրում (Հավելված N1.1)-ում, «արտադրողի անվանումը» սյունակում, բացակայում է առաջարկվող ապրանքի արտադրողի անվանման մասին տեղեկատվությունը, բացի այդ՝ «մակնիշը» սյունակում նշված է «սեղանի վրա դրվող ցեբտրիֆուգ», այնինչ անհրաժեշտ է նշել ընթացակարգի հրավերով պահանջվող՝ առաջարկվող ապրանքի մակնիշի մասին տեղեկատվությունը, ինչպես նաև «տեխնիկական

ընտրագիրը» սյունակում նշված «Կափարիչի փակումը՝ էլեկտրական կամ մեխանիկական, որը արգելափակում է աշխատանքի ընթացքում կափարիչի բացելու հնարավորությունը» հարվածում անհրաժեշտ է հստակեցնել Ձեր կողմից առաջարկվող ապրանքը՝ բացառելով «կամ» բառը:

Ելնելով վերոգրյալից և հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը՝ գնահատող հանձնաժողովը մեկ աշխատանքային օրով որոշեց կասեցնել հայտերի գնահատման նիստը՝ առաջարկելով Ձեզ սույն ծանուցումը սրանալուց հետո մեկ աշխատանքային օրվա ընթացքում շտկել վերոնշյալ անհամապատասխանությունը:

Շտկված փաստաթուղթը սահմանված կարգով անհրաժեշտ է ուղարկել սույն ընթացակարգի գնահատող հանձնաժողովի քարտուղար՝ Լ. Թազայանի էլեկտրոնային փոստին՝ l.tazayan@mil.am հասցեով:»

Ա/Ձ-ի կողմից 22.09.2021թ. Հավելված 1.1-ով ներկայացվել է առաջարկվող ապրանքի հետևյալ ամբողջական նկարագիրը.

Առաջարկվող ապրանքի			
Ձ/հ	մակնիշտը	Արտադրողի անվանումը	տեխնիկական բնութագիր
1	սեղանի վրա դրվող ցեբորիֆուգներ TD6M	HUNAN CENLEE SCIENTIFIC INSTRUMENTS CO., LTD HUNAN KENCHENG INSTRUMENTS EQUIPMENT CO., LTD BIORIDGE LTD	Լաբորատոր ցենտրիֆուգ՝ ոչ պակաս քան 12 փորձանոթի համար, Միկրոպրոցեսոր, հեղուկ բյուրեղային (ՀԲ) էկրան, Կափարիչի փակումը՝ էլեկտրական կամ մեխանիկական, որը արգելափակում է աշխատանքի ընթացքում կափարիչի բացելու հնարավորությունը: Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար: Աշխատանքի ընթացքում վահանակի միջոցով իրական արժեքների ցուցադրում. During its running, it display its running actual values/ Ցենտրիֆուգման արագության տիրույթը՝ ոչ պակաս քան 200-5500 պտ/ր., արագության կարգավորումը՝ ոչ ավել քան 50 պտ/ր. աճով Օգտագործվող փորձանոթների տեսակները առնվազն՝ 4տեսակ (15 մլ, 10 մլ, 5 մլ, 2 մլ), Լրակազմը պետք է պարունակի նաև անկյունային ռոտոր առնվազն 2 ներդիրներով՝ 12x15 մլ և 12x5 մլ, էլեկտրասնուցումը՝ սրանդարտ քաղաքային ցանցից 220+/-10% Վ, 50 Հց: Քաշը՝ ոչ ավել քան 30 կգ:

Արդյունքում Ընթացակարգի գնահատող հանձնաժողովը որոշել է «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի հայտը գնահատել անբավարար և մերժել:

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Օրենքի 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը:

Ինչպես արդեն նշել ենք, ՀՀ պաշտպանության նախարարության կարիքների համար բժշկական սարքի ձեռքբերման նպատակով հայտարարված «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգին մասնակցության հայտ է ներկայացրել նաև «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ն:

Ընթացակարգի գնահատող հանձնաժողովի 17.09.2021թ. ծանուցման համաձայն՝ Ընթացակարգով «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի կողմից ներկայացված հայտում կան անհամապատասխանություններ հրավերի պահանջների նկատմամբ, մասնավորապես՝

«Սեղանի վրա դրվող ցենտրիֆուգ ապրանքատեսակի մասով Դավիթ Թումանյան Գազիկի ԱՁ-ի կողմից հայտով ներկայացված՝ գնանշման հարցմանը մասնակցելու առաջարկվող ապրանքի ամբողջական նկարագրում (Հավելված N1.1)-ում, «արտադրողի անվանումը» սյունակում, բացակայում է առաջարկվող ապրանքի արտադրողի անվանման մասին տեղեկատվությունը, բացի այդ՝ «մակնիշը» սյունակում նշված է «սեղանի վրա դրվող ցենտրիֆուգ», այնինչ անհրաժեշտ է նշել ընթացակարգի հրավերով պահանջվող՝ առաջարկվող ապրանքի մակնիշի մասին տեղեկատվությունը, ինչպես նաև «տեխնիկական բնութագիրը» սյունակում նշված «Կախարիչի փակումը՝ էլեկտրական կամ մեխանիկական, որը արգելափակում է աշխատանքի ընթացքում կախարիչի բացելու հնարավորությունը» հարվածում անհրաժեշտ է հստակեցնել Ձեր կողմից առաջարկվող ապրանքը՝ բացառելով «կամ» բառը:

Ելնելով վերոգրյալից և հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը՝ գնահատող հանձնաժողովը մեկ աշխատանքային օրով որոշեց կասեցնել հայտերի գնահատման նիստը՝ առաջարկելով Ձեզ սույն ծանուցումը ստանալուց հետո մեկ աշխատանքային օրվա ընթացքում շտկել վերոնշյալ անհամապատասխանությունը:

Շտրված փաստաթուղթը սահմանված կարգով անհրաժեշտ է ուղարկել սույն ընթացակարգի գնահատող հանձնաժողովի քարտուղար՝ Լ. Թազայանի էլեկտրոնային փոստին՝ l.tazayan@mil.am հասցեով:»

Ա/Ձ-ի կողմից 22.09.2021թ. Հավելված 1.1-ով ներկայացվել է առաջարկվող ապրանքի հետևյալ ամբողջական նկարագիրը.

Առաջարկվող ապրանքի			
Ձ/հ	մականիշը	Արտադրողի անվանումը	տեխնիկական բնութագիր
1	սեղանի վրա դրվող ցեբորիֆուզներ TD6M	HUNAN CENLEE SCIENTIFIC INSTRUMENTS CO., LTD HUNAN KENCHENG INSTRUMENTS EQUIPMENT CO., LTD BIORIDGE LTD	Լաբորատոր ցենտրիֆուգ՝ ոչ պակաս քան 12 փորձանոթի համար, Միկրոպրոցեսոր, հեղուկ բյուրեղային (ՀՔ) էկրան, Կափարիչի փակումը՝ էլեկտրական կամ մեխանիկական, որը արգելափակու է աշխատանքի ընթացքում կափարիչի բացելու հնարավորությունը: Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար: Աշխատանքի ընթացքում վահանակի միջոցով իրական արժեքների ցուցադրում. During its running, it display its running actual values/ Ցենտրիֆուգման արագության տիրույթը՝ ոչ պակաս քան 200-5500 պր/ր., արագության կարգավորումը՝ ոչ ավել քան 50 պր/ր. ածով Օգտագործվող փորձանոթների տեսակները առնվազն՝ 4տեսակ (15 մլ, 10 մլ, 5 մլ, 2 մլ), Լրակազմը պետք է պարունակի նաև անկյունային ռոտոր առնվազն 2 ներդիրներով՝ 12x15 մլ և 12x5 մլ, էլեկտրասնուցումը՝ ստանդարտ քաղաքային ցանցից 220+/-10% Վ, 50 Հց: Քաշը՝ ոչ ավել քան 30 կգ:

Արդյունքում Ընթացակարգի գնահատող հանձնաժողովը որոշել է «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի հայրը գնահատել անբավարար և մերժել:

Տվյալ պարագայում «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման գնահատող հանձնաժողովը «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի հայրը անբավարար գնահատելով և մերժելով՝ խախտել է «Գնումների մասին» ՀՀ օրենքի 7-րդ հոդվածով երաշխավորված մասնակցության իրավունքի սահմանափակմանը:

Մասնավորապես՝ «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի կողմից 22.09.2021թ. Հավելված 1.1-ով ներկայացվել է առաջարկվող ապրանքի ամբողջական նկարագում ներկայացված առաջարկվող ապրանքի տեխնիկական բնութագրում նշելով հետևյալը՝ «Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար» լիովին համապատասխանում է հրավերի տեխնիկական բնութագիր գնման-ժամանակացույցով նշված «Անհավասարակշռության հայտնաբերման և անջատման համակարգի առկայություն, աշխատանքի ընթացքում՝ հովացման համակարգի առկայություն»:

Գնահատող հանձնաժողովի կողմից անտեսվել է վերը նշված փաստական հանգամանքը և որոշում է կայացվել «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի հայրը գնահատել անբավարար և մերժել:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պարզաբանելու և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:»:

Ելնելով վերոգրյալից՝ «Դավիթ Թումանյան Գագիկի» Ա/Ձ-ն Բողոքներ քննող անձին խնդրել է պարտավորեցնել «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգի գնահատող հանձնաժողովին դադարեցնել՝ «Դավիթ Թումանյան Գագիկի» Ա/Ձ-ի հայտը անբավարար գնահատելու և մերժելու մասին որոշումը:

Ընկերությունը 12.10.2021թ.-ին ներկայացրած բողոքի լրացմամբ, հավելել է հետևյալը.

«Հարգելի գնումների հետ կապված բողոքներ քննող անձ, հայտնում ենք 22.09.2021թ. Հավելված 1.1-ով ներկայացվել է առաջարկվող ապրանքի հետևյալ ամբողջական նկարագիրը, որում նշվել է Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար: Նույն օրը ներկայացվել է նաև այլ Հավելված 1.1, որը /տառացի/ համապատասխանում է Հրավերի տեխնիկական բնութագրին, որում նշվել է հետևյալը՝ անհավասարակշռության հայտնաբերման և անջատման համակարգի առկայություն, աշխատանքի ընթացքում՝ հովացման համակարգի առկայություն:

Անհասկանալի կերպով Ընթացակարգի գնահատող հանձնաժողովի կողմից գնահատվել է այն հավելվածը, որում նշվել է Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար, մինչդեռ նույն օրվա ընթացքում ներկայացված մյուս Հավելվածը չի գնահատվել գնահատող հանձնաժողովի կողմից, դեռ ավելին երբ կատարվել է հեռախոսազանգ Պարզաբանության ներկայացուցչին ճշտելով՝ արդյոք ստացվել է նամակը, թե ոչ՝ ստացել ենք պատասխան որ միայն մեկ Հավելված 1.1-ն է ստացվել էլ. հասցեին:

Վերը նշված փաստով պայմանավորված նույն նամակը հաջորդ օրը ներկայացվել է նորից Ընթացակարգի գնահատող հանձնաժողովին, որը ինչպես պարզվեց հետագայում

գնահատող հանձնաժողովի կողմից գնահատվել է որպես շտապ փոփոխության հետևանք ներկայացված Հավելված:

Ինչ վերաբերվում է ՀՀ պաշտպանության նախարարության կողմից սույն բողոքի վերաբերյալ ներկայացված դիրքորոշմամբ ներկայացված փաստարկին, թե «Անհավասարակշռության հայտնաբերման և անջատման համակարգի առկայություն»-ը պետք է լինի լաբորատոր ցենտրիֆուգի տեխնիկական նկարագրի անպայման բաղադրիչ մաս, ապա գտնում ենք, որ Ընթացակարգի գնահատող հանձնաժողովի կողմից սարքավորման տեխնիկական հնարավորության տեսքի նշումը՝ ավելորդ կերպով ծանրաբեռնում է մասնակցության հայտ ներկայացրած ընկերություններին և պահանջը շտապ կատարել, որում պետք է տեսնել նշված այնպիսի տեխնիկական չափորոշիչ, առանց որի այդ սարքավորումը բնության մեջ չի կիրառվում՝ մեր կարծիքով կրում է ձևական բնույթ:

Մինչդեռ՝ «Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Նույն Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Տվյալ պարագայում «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման գնահատող հանձնաժողովը «ԴԱՎԻԹ ԹՈՒՄԱՆՅԱՆ ԳԱԳԻԿԻ» Ա/Ձ-ի հայտը անբավարար գնահատելով և մերժելով՝ խախտել է «Գնումների մասին» ՀՀ 3-րդ հոդվածով երաշխավորված մասնակցության իրավունքի սահմանափակմանը, մասնավորապես անհամապատասխանությունների շտապ փոփոխում ներկայացվել է թվով երկու Հավելված 1.1, սակայն գնահատող հանձնաժողովի կողմից հիմք է ընդունվել այն Հավելվածը, որտեղ առկա է եղել մեկ կետի բացակայություն, իսկ այնուհետև երբ Ա/Ձ-ի կողմից տեսնելի կերպով Հրավերի տեխնիկական բնութագրի հետ նույնականացվող Հավելված 1.1 ներկայացվել է նաև հաջորդող օրը, գնահատող հանձնաժողովը գնահատել է, որպես շտապ փոփոխության ու ներկայացված փաստաթուղթ:»:

**3. ՀՀ պաշտպանության նախարարության կողմից բողոքի վերաբերյալ ներկայացված փաստարկները, հիմնավորումները և դիրքորոշումը.**



Բողոքներ քննող անձը 27.09.2021թ.-ին թիվ /ԲՔԱ-ԼՕ/2/15669-2021 գրությամբ դիմել է ՀՀ պաշտպանության նախարարությանն (այսուհետ նաև՝ Պատվիրատու), հնարավորություն տալով «Դավիթ Թումանյան Գագիկի» Ա/Ձ-ի կողմից 27.09.2021թ.-ին ներկայացված բողոքի վերաբերյալ ներկայացնել անհրաժեշտ բոլոր փաստաթղթերի պատճեններն ու Պատվիրատուի գրավոր կարծիքը:

Պատվիրատուն ստանալով գրավոր դիրքորոշում հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացել հրավիրված նիստերին:

Պատվիրատուն 01.10.2021թ.-ին թիվ ՊՆ/510-ԳՔ/5312-2021 գրությամբ հայտնել է հետևյալը.

««Դավիթ Թումանյան Գագիկի» Ա/Ձ-ի կողմից «ՀՀ ՊՆ-ԳՀԱՊՁԲ-21-9/33» ծածկագրով գնման ընթացակարգի շրջանակներում ներկայացված բողոքի վերաբերյալ (ծածկագիր՝ ԳԲՔԱ-ԼՕ-2021/88, 27.09.2021թ.) հայտնում եմ հետևյալը.

Ընթացակարգի գնահատող հանձնաժողովի 17.09.2021թ. ծանուցման համաձայն՝ Ընթացակարգով «Դավիթ Թումանյան Գագիկի» Ա/Ձ-ի կողմից ներկայացվել էր շտկում, որով կազմակերպությունը ուղղել էր պահանջվող անհամապատասխանությունները, այն է՝ ներկայացրել է սարքի մակնիշը «TD6M», արտադրող կազմակերպության անվանումը «HUNAN CENLEE SCIENTIFIC INSTRUMENTS CO., LTD HUNAN KENCHENG INSTRUMENTS EQUIPMENT CO., LTD BIORIDGE LTD»: Միաժամանակ, շտկումով ներկայացված ամբողջական նկարագրում կազմակերպության կողմից նշվել էր «Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար:»՝ չնշելով «Անհավասարակշռության հայտնաբերման և անջատման համակարգի առկայություն» վերաբերյալ տեղեկատվությունը:

Ըստ «Դավիթ Թումանյան Գագիկի» Ա/Ձ-ի՝ իրենց կողմից 22.09.2021թ. նշված՝ «Ունի օդափոխվող համակարգ, որը նախատեսված է շահագործման ընթացքում ջերմաստիճանը չբարձրանալու համար:» դրվագը լիովին համապատասխանում է «Անհավասարակշռության հայտնաբերման և անջատման համակարգի առկայություն, աշխատանքի ընթացքում՝ հովացման համակարգի առկայություն»:

Հաշվի առնելով այն հանգամանքը, որ լաբորատոր աշխատանքների իրականացման ընթացքում արյան և դրա բաղադրիչների ցենտրիֆուգման ժամանակ պատահում են դեպքեր, երբ անհրաժեշտություն է առաջանում ցենտրիֆուգման աշխատանքի ավտոմատ

վթարային ընդհատում (ցենտրիֆուգի ռոտորի դիսբալանս, փորձանոթի կոտրում կամ այլ նմատարեսակ դեպքեր) ՀՀ ՋՈՒ ռազմաբժշկական վարչության դիրքորոշումը այն է, որ «Անհավասարակշռության հայտնաբերման և անջարման համակարգի առկայություն»-ը պետք է լինի լաբորատոր ցենտրիֆուգի տեխնիկական նկարագրի անպայման բաղադրիչ մաս: Ուստի «Դավիթ Թումանյան Գագիկի» Ա/Ձ-ի՝ կողմից 22.09.2021թ. շտկումով՝ «Սեղանի վրա դրվող ցենտրիֆուգ» ապրանքատեսակի ներկայացված ամբողջական տեխնիկական նկարագիրը լիարժեք չէ և հետևաբար գնահատվել է ոչ բավարար:

Ամփոփելով վերոգրյալը՝ գտնում եմ, որ «Դավիթ Թումանյան Գագիկի» Ա/Ձ-ի՝ բողոքով ներկայացված պահանջը անհիմն է, իսկ բողոքը ենթակա է մերժման:

Կից ներկայացնում եմ Ընթացակարգին վերաբերող փաստաթղթերը:»:

#### **4. ԳԲՔԱ-LO-2021/88 բողոքի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

i. ՀՀ պաշտպանության նախարարության կողմից բժշկական սարքի ձեռքբերման նպատակով 08.09.2021թ.-ին հայտարարվել է «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգ (այսուհետ նաև՝ Ընթացակարգ):

ii. Ընթացակարգին մասնակցելու նպատակով հայտ է ներկայացրել «Դավիթ Թումանյան Գագիկի» Ա/Ձ-ն:

iii. Ընթացակարգի գնահատող հանձնաժողովի (այսուհետ նաև՝ Հանձնաժողով) 17.09.2021թ.-ի թիվ 3 արձանագրության 3.3-րդ կետի համաձայն՝ «Դավիթ Թումանյան Գագիկի» Ա/Ձ-ի կողմից հայտով ներկայացված՝ գնանշման հարցմանը մասնակցելու առաջարկվող ապրանքի ամբողջական նկարագրում (Հավելված N 1.1)-ում, «արտադրողի անվանումը» սյունակում, բացակայում է առաջարկվող ապրանքի արտադրողի անվանման մասին տեղեկատվությունը, բացի այդ՝ «մակնիշը» սյունակում նշված է «սեղանի վրա դրվող ցենտրիֆուգ», այնինչ անհրաժեշտ է նշել ընթացակարգի հրավերով պահանջվող՝ առաջարկվող ապրանքի մակնիշի մասին տեղեկատվությունը, ինչպես նաև «տեխնիկական բնութագիրը» սյունակում նշված «Կափարիչի փակումը՝ էլեկտրական կամ մեխանիկական, որը արգելափակում է աշխատանքի ընթացքում կափարիչի բացելու հնարավորությունը»

հատվածում անհրաժեշտ է հստակեցնել մասնակցի կողմից առաջարկվող ապրանքը՝ բացառելով «կամ» բառը:

iv. Նույն արձանագրության համաձայն՝ գնահատող հանձնաժողովը, հիմք ընդունելով Հայաստանի Հանրապետության կառավարության 04.05.2017թ.-ի թիվ 526-Ն որոշման 41-րդ կետը, որոշել է նիստը կասեցնել և մասնակցին առաջարկել մեկ աշխատանքային օրվա ընթացքում՝ մինչև նիստի կասեցման ավարտը, շտկել արձանագրված անհամապատասխանությունները:

v. Հանձնաժողովի 17.09.2021թ.-ի թիվ 3 արձանագրության 3.5-րդ կետի համաձայն՝ 24.09.2021թ.-ին կայացած նիստում գնահատող հանձնաժողովն ուսումնասիրելով առաջարկվող ապրանքի շտկված տեխնիկական բնութագիրը, արձանագրել է, որ տվյալ փաստաթղթում բացակայում է սույն ընթացակարգի հրավերով պահանջվող և ի սկզբանե մասնակցի հայտով ներկայացված տեղեկատվությունը, մասնավորապես՝ ներկայացված առաջարկվող ապրանքի ամբողջական նկարագրում (Հավելված N 1.1) «տեխնիկական բնութագիրը» սյունակում բացակայում էր ապրանքատեսակի մասով ընթացակարգի հրավերով պահանջված տեխնիկական բնութագրի մաս կազմող «Անհավասարակշռության հայտնաբերման և անջատման համակարգի առկայության ինչպես նաև ծրագրավորված և վահանակի միջոցով արժեքների անըդիստ ցուցադրման» մասին տեղեկատվությունը, ինչը չէր համապատասխանում հրավերով սահմանված տեխնիկական բնութագրին:

Հաշվի առնելով այն, որ մասնակցի հայտում արձանագրված անհամապատասխանությունները կրկնակի շտկելու հնարավորություն գնումների մասին ՀՀ օրենսդրությամբ նախատեսված չէ, ուստի հիմք ընդունելով ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 42-րդ կետը, գնահատող հանձնաժողովը որոշել է «Դավիթ Թումանյան Գագիկի» Ա/Ձ-ի կողմից ներկայացված փաստաթղթերը գնահատել հրավերի պահանջներին անբավարար և մերժել վերջինիս հայտը:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ «Դավիթ

Թումանյան Գագիկի» Ա/Ձ-ի կողմից 27.09.2021թ.-ին ներկայացված բողոքն անհիմն է և ենթակա մերժման ամբողջությամբ, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 3-րդ ենթակետի «գ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է ապրանքների գնման դեպքում իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր):

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ

հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո՝ Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետն ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

Բողոքներ քննող անձը հարկ է համարում նշել, որ օրենսդիրն իմպերատիվ կերպով սահմանել է, որ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի երբ բացակայում է գնային առաջարկը կամ եթե վերջինս ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Սույն գործի փաստերի համաձայն՝ ՀՀ պաշտպանության նախարարության կողմից բժշկական սարքի ձեռքբերման նպատակով 08.09.2021թ.-ին հայտարարված «ՀՀ ՊՆ-ԳՀԱՊՁԲ-21-9/33» ծածկագրով գնանշման հարցման ընթացակարգին մասնակցելու նպատակով հայտ ներկայացրած «Դավիթ Թումանյան Գագիկի» Ա/Ձ-ի կողմից կազմված հայտում արձանագրվել են անհամապատասխանություններ. մասնավորապես՝ «Դավիթ Թումանյան Գագիկի» Ա/Ձ-ի կողմից հայտով ներկայացված՝ գնանշման հարցմանը մասնակցելու առաջարկվող ապրանքի ամբողջական նկարագրում (Հավելված N 1.1)-ում, «արտադրողի անվանումը» սյունակում, բացակայում է առաջարկվող ապրանքի արտադրողի անվանման մասին տեղեկատվությունը, բացի այդ՝ «մակնիշը» սյունակում նշված է «սեղանի վրա դրվող ցեբորիֆուզ», այնինչ անհրաժեշտ է նշել ընթացակարգի հրավերով պահանջվող՝ առաջարկվող ապրանքի մակնիշի մասին տեղեկատվությունը, ինչպես նաև «տեխնիկական բնութագիրը» սյունակում նշված «Կափարիչի փակումը՝ էլեկտրական կամ մեխանիկական, որը արգելափակում է աշխատանքի ընթացքում կափարիչի բացելու հնարավորությունը» հատվածում անհրաժեշտ է հստակեցնել մասնակցի կողմից առաջարկվող ապրանքը՝ բացառելով «կամ» բառը, ինչով պայմանավորված՝ գնահատող հանձնաժողովը որոշել է նիստը կասեցնել և մասնակցին առաջարկել մեկ աշխատանքային օրվա ընթացքում՝ մինչև նիստի կասեցման ավարտը, շտկել արձանագրված անհամապատասխանությունները, սակայն «Դավիթ Թումանյան Գագիկի» Ա/Ձ-ն չի շտկել անհամապատասխանությունները. մասնավորապես՝ հանձնաժողովն ուսումնասիրելով առաջարկվող ապրանքի շտկված տեխնիկական բնութագիրը, արձանագրել է, որ տվյալ փաստաթղթում բացակայում է սույն ընթացակարգի հրավերով պահանջվող և ի սկզբանե մասնակցի հայտով ներկայացված տեղեկատվությունը, մասնավորապես՝ ներկայացված առաջարկվող ապրանքի

ամբողջական նկարագրում (Հավելված N 1.1) «տեխնիկական բնութագիրը» սյունակում բացակայում էր ապրանքատեսակի մասով ընթացակարգի հրավերով պահանջված տեխնիկական բնութագրի մաս կազմող «Անհավասարակշռության հայտնաբերման և անջատման համակարգի առկայության ինչպես նաև ծրագրավորված և վահանակի միջոցով արժեքների անըդհատ ցուցադրման» մասին տեղեկատվությունը, ինչը չէր համապատասխանում հրավերով սահմանված տեխնիկական բնութագրին:

Վերոգրյալ իրավանորմերի համալիր վերլուծությունը՝ գործով հաստատված փաստերի գնահատմամբ, ուսումնասիրելով գնման ընթացակարգի հրավերով պահանջված տեխնիկական բնութագիրն ու «Դավիթ Թումանյան Գագիկի» Ա/Զ-ի կողմից հայտով և ապա որպես շտկում ներկայացված առաջարկվող ապրանքի ամբողջական նկարագիրը՝ Հավելված 1.1-ը՝ Բողոքներ քննող անձն արձանագրում է, որ ընթացակարգի հրավերով պահանջված տեխնիկական բնութագրի մաս կազմող «Անհավասարակշռության հայտնաբերման և անջատման համակարգի առկայության, ինչպես նաև ծրագրավորված և վահանակի միջոցով արժեքների անըդհատ ցուցադրման» մասին տեղեկատվությունը Ընկերության կողմից առաջարկվող ապրանքի ամբողջական նկարագրում բացակայում է, որպիսի պայմաններում վերջինիս կողմից ներկայացված հայտը չի համապատասխանում հրավերով նախատեսված պայմաններին:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում՝ Բողոքներ քննող անձը հանգում է այն եզրակացության, որ ՀՀ պաշտպանության նախարարության կողմից բժշկական սարքի ձեռքբերման նպատակով 08.09.2021թ.-ին հայտարարված «ՀՀ ՊՆ-ԳՀԱՊՁԲ-21-9/33» ծածկագրով ընթացակարգի գնահատող հանձնաժողովը, «Դավիթ Թումանյան Գագիկի» Ա/Զ-ի հայտը ընթացակարգի հրավերով նախատեսված պայմաններին անբավարար գնահատելու և մերժելու մասին որոշում կայացնելով, գործել է իրավաչափ՝ պահպանելով Օրենքի 34-րդ հոդվածի և Կարգի 42-րդ կետի դրույթներով սահմանված պահանջները, որպիսի պայմաններում «Դավիթ Թումանյան Գագիկի» Ա/Զ-ի ներկայացրած բողոքն անհիմն է և ենթակա մերժման:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը,

**Ո Ր Ո Շ Ե Ց**

«Դավիթ Թումանյան Գագիկի» Ա/Ձ-ի կողմից 27.09.2021թ.-ին ներկայացված ԳԲՔԱ-ԼՕ-2021/88 ծածկագրով բողոքը մերժել ամբողջությամբ՝ անհիմն լինելու պատճառաբանությամբ:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ՝**



**ԼԵՎՈՆ ՕՍԿԱՆՅԱՆ**